



বাংলাদেশ ফুটবল ফেডারেশনের সম্মানিত সভাপতি'র মাসিক (মে) বিবৃতি

বাংলাদেশ ফুটবল ফেডারেশনের পক্ষ হতে সবাইকে জানাই আন্তরিক শুভেচ্ছা। প্রথমেই বাংলাদেশসহ সারা বিশ্বে COVID-19 এর মারাত্মক সংক্রমণে অসংখ্য প্রাণহানির ঘটনায় গভীর শোক ও সমবেদনা জ্ঞাপন করছি। আমি প্রার্থনা করি এই মহামারীর কারণে সকল ধরনের বিপর্যয় থেকে সবাই দ্রুত আরোগ্য লাভ করুক।

করোনা মহামারী ফুটবলেও মারাত্মক প্রভাব বিস্তার করেছে। করোনার প্রকোপে এশিয়ান ফুটবল কনফেডারেশন 'এএফসি কাপ ২০২১' এর অনেক ম্যাচ স্থগিত করার সিদ্ধান্ত গ্রহণ করেছে। ফলে মার্চ-এপ্রিলে এশিয়ার চারটি অঞ্চল যথাক্রমে দক্ষিণ, মধ্য, দক্ষিণ-পূর্ব ও পূর্ব অঞ্চলের ম্যাচগুলো স্থগিত হয়ে যায়।

সারাবিশ্বে করোনা ভাইরাসের বিস্তারকে নিয়ন্ত্রণে রাখতে নানা রকমের বিধিনিষেধ আরোপ করা হয়েছে যা আমাদের ফুটবলের কার্যক্রমেও মারাত্মক প্রভাব ফেলেছে। করোনা ভাইরাস মহামারী আকারে সারাবিশ্বের জনস্বাস্থ্যকে জরুরি অবস্থায় ধাবিত করেছে এবং বৈশ্বিক অর্থনীতির মারাত্মক বিপর্যয় সাধন করেছে। এমনকি আমাদের দেশের ফুটবল ক্যালেন্ডারেও করোনার প্রভাব পড়েছে। তবে আমরা ফুটবল প্রতিযোগিতা ও অন্যান্য কার্যক্রম নিয়ে যথেষ্ট সচেতন বিধায় আশা করছি সময় মত সকল প্রতিযোগিতা সুষ্ঠুভাবে সম্পন্ন করতে সক্ষম হবো। আমাদের কার্যক্রমসমূহ চলমান রাখতে সহযোগিতার হাত বাড়িয়ে দেওয়ার জন্য আমি গণপ্রজাতন্ত্রী বাংলাদেশ সরকার এর যুব ও ক্রীড়া মন্ত্রণালয়, স্বাস্থ্য ও পরিবার পরিকল্পনা মন্ত্রণালয়, পুলিশ প্রশাসনসহ সংশ্লিষ্ট সকলকে ধন্যবাদ জ্ঞাপন করছি।

বাংলাদেশ প্রিমিয়ার লীগ ২০২০-২১ : 'বাংলাদেশ প্রিমিয়ার লীগ ২০২০-২১' এর ২য় পর্বের খেলা ৩০ এপ্রিল ২০২১ তারিখ হতে ১১ মে ২০২১ তারিখ পর্যন্ত অনুষ্ঠিত হয়। এরপর ঈদুল ফিতর ও ফিফা উইন্ডোর কারণে 'বাংলাদেশ প্রিমিয়ার লীগ ২০২০-২১' এর বিরতি দেওয়া হয়েছে। বাংলাদেশ ফুটবল ফেডারেশন এর সঙ্গে লীগের ক্লাবগুলো একাত্ম হয়ে প্রতিযোগিতা অব্যাহত রাখার জন্য আমি ক্লাবগুলোকে ধন্যবাদ জ্ঞাপন করছি।

বাংলাদেশ প্রিমিয়ার লীগ এর ক্লাবসমূহের কর্মকর্তা ও প্রশিক্ষকবৃন্দের সঙ্গে বৈঠকঃ বাংলাদেশ ফুটবল ফেডারেশন এর সঙ্গে বাংলাদেশ প্রিমিয়ার লীগ এর ক্লাবসমূহের সম্পর্ক আরও অর্থবহ করতে ৬(ছয়) টি ক্লাবের সঙ্গে বৈঠকের আয়োজন করি। উক্ত বৈঠকে আমরা প্রিমিয়ার লীগ, খেলার ফিক্সচার নির্ধারণ, এএফসি কাপ, ফিফা উইন্ডো ও 'বাংলাদেশ প্রিমিয়ার লীগ ২০২০-২১' প্রতিযোগিতা সুচারুরূপে সম্পন্ন করতে কী কী কাজ করা যায় তা নিয়ে বিস্তারিত আলোচনা করি। এ বৈঠকে আগত ক্লাবসমূহ থেকে মূল্যবান মতামত প্রদানের জন্য তাদের আন্তরিক ধন্যবাদ জ্ঞাপন করছি। আমরা অল্প কিছু দিনের মধ্যে বাকি ৭ (সাত) টি ক্লাবের সঙ্গে অতিসত্তর বৈঠকে মিলিত হবো।

মহিলা ফুটবল লীগ ২০২০-২১ঃ করোনা পরিস্থিতির কারণে গণপ্রজাতন্ত্রী বাংলাদেশ সরকার প্রদত্ত বিধি নিষেধ মেনে গত ১৯ মে ২০২১ তারিখ হতে দর্শকশূন্যভাবে 'মহিলা ফুটবল লীগ ২০২০-২১' এর ২য় পর্বের খেলাসমূহ শুরু হয়েছে। এই লীগ এর খেলাসমূহ কমলাপুরস্থ বীরশ্রেষ্ঠ সিপাহী মোহাম্মদ মোস্তফা কামাল স্টেডিয়াম এর পাশাপাশি বঙ্গবন্ধু জাতীয় স্টেডিয়ামেও অনুষ্ঠিত হচ্ছে।

বাংলাদেশ চ্যাম্পিয়নশীপ লীগ ২০২০-২১ঃ করোনা পরিস্থিতির কারণে গণপ্রজাতন্ত্রী বাংলাদেশ সরকার প্রদত্ত বিধি নিষেধ মেনে দর্শকশূন্যভাবে ৩১ মে ২০২১ তারিখ হতে 'বাংলাদেশ চ্যাম্পিয়নশীপ লীগ ২০২০-২১' এর ২য়



পর্বের খেলা শুরু হয়েছে। কমলাপুরস্থ বীরশ্রেষ্ঠ সিপাহী মোহাম্মদ মোস্তফা কামাল স্টেডিয়াম এর পাশাপাশি বঙ্গবন্ধু জাতীয় স্টেডিয়ামেও এই লীগের খেলাসমূহ অনুষ্ঠিত হবে।

বাংলাদেশ জাতীয় ফুটবল দল এর ক্যাম্পঃ ‘ফিফা ওয়ার্ল্ড কাপ কাতার ২০২২’ ও ‘এএফসি এশিয়ান কাপ চায়না ২০২৩ (প্রিলিমিনারি জয়েন্ট রাউন্ড-২)’ এর খেলা উপলক্ষ্যে ১৬ মে ২০২১ তারিখ হতে ২৭ মে ২০২১ তারিখ পর্যন্ত বাংলাদেশ জাতীয় ফুটবল দল হোটেল ইন্টারকন্টিনেন্টালে আবাসিক প্রশিক্ষণ ক্যাম্প সম্পন্ন করেছে। বাংলাদেশ জাতীয় ফুটবল দল ২৮ মে ২০২১ তারিখে কাতার এয়ারলাইন্সের ফ্লাইটযোগে খেলোয়াড় ও টিম অফিসিয়ালসহ ৩২ সদস্য নিয়ে দল কাতার গমন করেছে। কাতারে আমাদের দলকে প্রয়োজনীয় সুযোগ সুবিধা প্রদানের জন্য আমি বাংলাদেশ ফুটবল ফেডারেশন এর পক্ষ হতে এশিয়ান ফুটবল কনফেডারেশন ও কাতার ফুটবল এসোসিয়েশনকে ধন্যবাদ জ্ঞাপন করছি। বর্তমানে বাংলাদেশ জাতীয় ফুটবল দল কাতারের ইজদান প্যালেস হোটেলে অবস্থান করছে এবং কাতার ইউনিভার্সিটি মাঠে অনুশীলন কার্যক্রম চালিয়ে যাচ্ছে।

কাতারের সেন্ট্রালাইজড ভেন্যুতে ‘ফিফা ওয়ার্ল্ড কাপ কাতার ২০২২’ ও ‘এএফসি এশিয়ান কাপ চায়না ২০২৩ (প্রিলিমিনারি জয়েন্ট রাউন্ড-২)’ এর ‘ই’ গ্রুপ এর খেলায় ৩ জুন ২০২১ তারিখে আফগানিস্তানের বিপক্ষে, ৭ জুন ২০২১ তারিখে ভারতের বিপক্ষে এবং সর্বশেষ ১৫ জুন ২০২১ তারিখে ওমানের বিপক্ষে ম্যাচ খেলবে বাংলাদেশ জাতীয় ফুটবল দল। আমি আশা করি উক্ত দলসমূহের বিপক্ষে ভালো খেলতে বাংলাদেশ জাতীয় ফুটবল দল, টিম অফিসিয়াল ও কোচিং স্টাফ সবাই সর্বাত্মক চেষ্টা করবে এবং বাংলাদেশ জাতীয় ফুটবল দল ভালো ফলাফল অর্জন করতে সক্ষম হবে।